

Resolución de 2007 pola que se convoca concurso de traslados para a provisión de prazas de persoal facultativo do Servizo Galego de Saúde.

Exposición de motivos

RESOLVE:

Artigo 1º.- Publicar a convocatoria do concurso de traslados para a provisión das prazas de persoal facultativo do Servizo Galego de Saúde das categorías e, de sé lo caso, especialidades relacionadas no anexo III da presente resolución, así como aprobar as bases e baremo de méritos que rexerán a convocatoria, contidos respectivamente nos anexos I e II da mesma.

Artigo 2º.-

1. Esta convocatoria e as súas bases vinculan a administración e aos que participen nela.

2. Contra esta resolución, que pon fin á vía administrativa, poderá interpoñerse recurso contencioso-administrativo ante a Sala do Contencioso-Administrativo do Tribunal Superior de Xustiza de Galicia, no prazo de dous meses contados a partir da súa publicación no Diario Oficial de Galicia. Potestativamente, no prazo dun mes poderá interpoñerse recurso de reposición ante este centro directivo.

3. Así mesmo, cantos actos administrativos sexan producidos pola División de Recursos Humanos e Desenvolvemento Profesional do Servizo Galego de Saúde poderán ser impugnados polos interesados de acordo co establecido na Lei 30/1992, do 26 de novembro, de réxime xurídico das administracións públicas e do procedemento administrativo común.

4. Os recursos contencioso-administrativos que se interpoñan contra esta convocatoria ou calquera acto integrante do concurso de traslados serán anunciados no Diario Oficial de Galicia para os efectos de emprazamento aos posibles interesados.

ANEXO I

Bases

Primeira.- Normas xerais.

1.1. Convócanse, para a súa provisión, as prazas básicas vacantes de persoal estatutario do Servizo Galego de Saúde das categorías e especialidades que, para cada centro, se especifican no anexo III desta resolución.

Igualmente, no anexo V, ofértanse prazas, que por corresponderse con prestacións altamente especializadas, requiren estar en posesión dos requisitos especiais incluídos no devandito anexo.

1.2. O concurso rexerese polas presentes bases así como polo establecido no artigo 37 da Lei 55/2003, do 16 de decembro, do Estatuto Marco do persoal estatutario dos servizos de saúde, e os artigos 27 e seguintes do Decreto 206/2005, do 22 de xullo, antes citado.

Segunda.- Persoal que poderá participar voluntariamente no concurso de traslados.

Poderá participar voluntariamente no concurso de traslados o seguinte persoal estatutario fixo:

2.1. O persoal estatutario fixo da mesma categoría e, de sé lo caso, especialidade, que se atope desempeñando ou teña praza reservada nas institucións sanitarias dos servizos de saúde do Sistema Nacional de Saúde, sempre que teña tomado posesión da praza cun ano de antelación, como

mínimo, ao remate do prazo de presentación de solicitudes para participar no presente concurso.

- 2.2. O persoal estatutario fixo dos servizos de saúde do Sistema Nacional de Saúde en situación distinta á de activo e que non teña reserva de praza da mesma categoría, e de sé lo caso, especialidade, sempre que reúna os requisitos legais e regulamentarios para incorporarse ao servizo activo o último día do prazo de presentación de solicitudes para participar no presente concurso.

Terceira.- Persoal que deberá participar obrigatoriamente no concurso de traslados.

Deberá participar obrigatoriamente no concurso de traslados o persoal estatutario fixo que se atope en situación de reingreso provisional ao servizo activo no Servizo Galego de Saúde, debendo solicitar necesariamente, por orde de preferencia, todas as prazas da súa categoría e, de sé lo caso, especialidade, convocadas na área de saúde á que pertenza a praza que desempeña con carácter provisional. O reingresado provisional que non obteña praza definitiva no presente concurso, tendo solicitadas todas as da súa categoría e, de sé o caso, especialidade, convocadas na área de saúde de pertenza, poderá optar por obter novo destino provisional nalgunha das prazas que resulten vacantes como consecuencia da resolución do presente concurso ou pasar á situación de excedencia voluntaria. O reingresado provisional que non participe no presente concurso ou non obteña praza e non solicitase todas as da súa categoría e, de sé lo caso, especialidade, convocadas na área de saúde de pertenza será declarado de oficio en situación de excedencia voluntaria.

Cuarta.- Orde de prelación para a adxudicación de prazas.

4.1. As prazas serán adxudicadas aos concursantes de acordo co baremo de méritos que se publica como anexo II desta resolución.

4.2. Serán valorados únicamente os méritos acreditados ata o día inmediato anterior, inclusive, ao da publicación desta resolución no Diario Oficial de Galicia.

4.3. 4.3. En caso de empate na puntuación final, resolverase a prol do concursante que acredite máis tempo traballado como persoal estatutario fixo na categoría na que concursa. De persistir o empate, resolverase a prol do concursante que acredite máis tempo traballado como persoal temporal na categoría na que concursa. De persistir o empate resolverase a prol da mellor puntuación de cada un do resto dos epígrafes do baremo e pola súa orde. Por último, decidirá a maior idade.

Quinta.- Solicitudes.

5.1. Cada concursante deberá cubrir unha única solicitude, axustándose necesariamente ó modelo que figura como anexo VI desta resolución e na páxina web do Sergas (www.sergas.es) e que poderá ser facilitado nos centros relacionados no punto 5 desta base, respectando estrictamente a codificación que identifica a cada centro ou complexo hospitalario e a cada localidade e réxime de xornada nas diferentes xerencias de atención primaria.

Serán desestimadas, sen mais trámite, as solicitudes que conteñan algunha enmenda, marca o riscadura, tanto na solicitude como nalgunha das follas de petición de prazas ou no certificado ou en calquera dos documentos anexos á solicitude a que se fai referencia na base sexta, sempre que non se encontren salvados baixo sinatura.

5.2. Os participantes poderán solicitar, por orde de preferencia, todas as prazas que consideren convenientes, das ofertadas no anexo III desta resolución, podendo solicitar ademais aquelas outras non ofertadas indicadas no anexo IV.

Igualmente os participantes que reunan os requisitos exixidos no Anexo V para as prazas de alta especialización, poderán solicitar, ademais, as que consideren convenientes do devandito Anexo.

5.3. A solicitude de praza nun centro ou complexo hospitalario supón a petición da totalidade das prazas convocadas nel, así como as que queden vacantes no devandito centro como consecuencia da resolución do concurso e, polo tanto, sexan susceptibles de seren adxudicadas en resultas.

5.4. a solicitude de praza nun centro de atención primaria supón a petición da totalidade das prazas do mesmo réxime de xornada convocadas nel, así como as que queden vacantes do mesmo réxime de xornada no devandito centro como consecuencia da resolución do concurso e, polo tanto, sexan susceptibles de seren adjudicadas en resultas.

5.5. As solicitudes, que deberán dirixirse á División de Recursos Humanos e Desenvolvemento Profesional do Servizo Galego de Saúde (San Lázaro, s/n, 15703-Santiago de Compostela), poderán ser presentadas nos centros que se relacionan a continuación ou a través de calquera dos procedementos do artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común, advertíndose que na folla ou follas, de sé lo caso, da solicitude de admisión ao presente concurso debe figura-lo selo do rexistro,

quedando os orixinais en poder da Administración e expedindo copia para os interesados:

- a) Na da Consellería de Sanidade.
- b) Nas delegacións provinciais da Consellería de Sanidade.
- c) Nas direccións provinciais do Servizo Galego de Saúde.
- d) Nos servizos de persoal dos centros ou complexos hospitalarios do Servizo galego de Saúde.
- e) Nos servizos de persoal das xerencias de Atención Primaria do Servizo Galego de Saúde.

5.6. De conformidade co establecido no artigo 29.1 do Decreto 206/2005, do 22 de xullo, antes citado, o prazo de presentación da solicitude, á que deberá unirse necesariamente toda a documentación que se achegue, será de un mes a contar dende o seguinte ao da publicación desta convocatoria no Diario Oficial de Galicia.

5.7. Durante o prazo de presentación de solicitudes, os participantes poderán retirar ou modificar as súas solicitudes mediante a presentación dunha nova, que anulará totalmente a anterior. Transcorrido o prazo de presentación de solicitudes, non se admitirá nin a modificación ou retirada da solicitude nin a presentación de novos documentos.

Sexta.- Documentación.

1. Todos os participantes, con carácter xeral, deberán presentar a seguinte documentación:

- l) Fotocopia do documento nacional de identidade ou pasaporte.

II) Copia compulsada do seu nomeamento en propiedade na categoría e, de sé lo caso, especialidade.

III) Certificación original expedida polo servizo de persoal do centro no que actualmente presta os seus servizos, conforme o modelo que se xunta como anexo VII á esta resolución.

IV) Copia compulsada, de sé lo caso, dos diplomas acreditativos de ter superados os cursos de coñecemento da lingua galega.

V) Documentación orixinal ou fotocopias compulsadas dos méritos alegados.

Deberá presentarse copia traducida por tradutor xurado daqueles títulos ou certificacións que estean redactados nun idioma distinto a calquera dos oficiais do Estado español.

Respecto dos traballos científicos e de investigación redactados nun idioma distinto a calquera dos oficiais do Estado español, non será necesario presentar copia traducida por tradutor xurado.

Polo que se refire ós traballos publicados en revistas, tan só será necesario presentar fotocopia compulsada das follas nas que conste o nome da revista, o título do traballo, o seu autor e a data de publicación.

En relación cos capítulos de libros, será suficiente presentar fotocopia compulsada das follas nas que conste o título do libro, o título do capítulo, o autor, o depósito legal do libro e/ou o ISBN e a data de publicación.

Por último, en relación cos libros será suficiente presentar fotocopia compulsada das follas nas que conste o título do libro, o sumario ou índice deste, o seu autor, o seu depósito legal e/ou o ISBN e a data de publicación.

2. O persoal con nomeamento estatutario fixo na categoría e, de sé lo caso, especialidade, deberá xuntar ademais copia compulsada do seu último nomeamento en propiedade (no suposto de non corresponder co seu nomeamento inicial na categoría).

3. O persoal en situación de excedencia presentará ademais copia compulsada da resolución na que se lle concedeu.

4. O persoal en reingreso provisional, presentará ademais copia compulsada da resolución pola cal se lle autorizou o reingreso.

Sétima.- Resolución do concurso.

7.1. Rematado o prazo de presentación de solicitudes e á vista das prazas solicitadas polos concursantes, así como dos méritos alegados e acreditados, procederase á súa baremación.

7.2. Rematada a dita baremación, a División de Recursos Humanos e Desenvolvemento Profesional do Sergas, aprobará a resolución provisional do concurso, que será publicada no Diario Oficial de Galicia.

7.3. De conformidade co establecido no artigo 29.2º do Decreto 206/2005, de 22 de xullo, antes citado, os concursantes disporán dun prazo de quince días hábiles, contados a partir do día seguinte ó da súa publicación, para formular reclamacións contra a resolución provisional. As citadas reclamacións serán rexeitadas ou admitidas

na resolución definitiva que será aprobada pola autoridade convocante e publicárase na mesma forma en que o foi a convocatoria do concurso. Esta publicación servirá de notificación ós interesados e, a partir dela, empezarán a contarse os prazos establecidos para que os organismos afectados efectúen as actuacións administrativas procedentes.

7.4. Conforme o establecido no artigo 29.4 do citado Decreto 206/2005, do 22 de xullo, as prazas adxudicadas definitivamente serán irrenunciabes agás que a dita renuncia, estea motivada pola obtención de praza en virtude da resolución dun procedemento de mobilidade voluntaria convocado por outra Administración pública ou servizo de saúde.

Oitava.- Efectos derivados do concurso.

8.1. Os concursantes que obteñan praza deberán cesar na que, se é o caso, desempeñan dentro dos tres días hábiles seguintes a aquel en que se publique a resolución definitiva.

8.2. A toma de posesión da nova praza deberá efectuarse dentro dos tres días hábiles seguintes ó do cesamento, se a praza desempeñada e a adxudicada son da mesma área de saúde; no prazo de quince días hábiles se as prazas son de distinta área de saúde dentro do Servizo Galego de Saúde ou no prazo dun mes se a praza desempeñada corresponde a outro servizo de saúde. Para estes efectos, entenderase por praza desempeñada a efectivamente ocupada, con independencia de que sexa en condición de destino definitivo, adscrición ou destino provisional ou comisión de servizos. Non disporán de ningún dos prazos posesorios sinalados aqueles adxudicatarios de praza no concurso que xa viñeran ocupando praza no mesmo centro de destino ou localidade, en virtude de comisión de servizos ou reingreso provisional.

8.3. No caso de que a adxudicación da praza supoña o reingreso ó servizo activo, o prazo de toma de posesión será dun mes, contado a partir do día seguinte ao da publicación da resolución definitiva do concurso.

8.4. O prazo de cesamento iniciárase cando finalice o permiso ou licenzia que, se é o caso, fose concedido ó interesado, agás que por causas xustificadas se acorde suspender o seu disfrute.

8.5. Se así o permiten as necesidades do servizo e por petición do interesado, o prazo de toma de posesión poderá ser prorrogado polo órgano convocante.

8.6. Cando un concursante non tome posesión da súa nova praza dentro do prazo ou, se é o caso, da prórroga que pola súa petición motivada se lle tivera concedido, entenderase que solicita a excedencia voluntaria por interese particular como persoal estatutario, e será declarado en tal situación polo órgano convocante do concurso.

Non obstante o anterior, se existiran causas suficientemente xustificadas, así apreciadas, logo da audiencia do interesado, pola División de Recursos Humanos e Desenvolvemento Profesional do Sergas, poderase deixar sen efecto a devandita situación. Neste caso o interesado deberá incorporarse ó seu novo destino tan pronto desaparezan as causas que no seu momento o impediron.

8.7. Agás cando a resolución do concurso implique o reingreso ó servizo activo, o prazo de toma de posesión e, se é o caso, a prórroga deste, terá a consideración de servizo activo, percibíndose os correspondentes haberes conforme ás normas establecidas na vixente orde de pola que se dictan instrucións sobre a confección de nóminas de persoal ó servizo da Administración Autonómica.

8.8. Esta convocatoria resolverase de modo simultáneo, en canto á toma de posesión dos novos destinos, respecto do proceso selectivo convocado polas resolucións da Secretaria Xeral do Sergas do 19 e 22 de decembro de 2006.

Novena.- Normas derradeiras:

9.1. A comisión ou, se é o caso, comisións encargadas da baremación de méritos neste concurso de traslados, serán nomeadas co ámbito que acorde a autoridade convocante. En tal comisión participarán dous representantes designados polas organizacións sindicais presentes na Mesa de Negociación.

Estas comisións terán a condición de primeira categoría para os efectos do disposto no Decreto 144/2001, do 7 de xuño, sobre indemnizacións por razón do servizo ao persoal con destino na administración autonómica de Galicia (DOG nº122, do 25 de xuño).

9.2. De conformidade co establecido no artigo 16.2º do Decreto legislativo 1/1992, do 11 de abril, polo que se aproba o texto articulado das bases contidas no capítulo III do título II da Lei 13/1991, do 9 de decembro das taxas, prezos e exaccións reguladoras da Comunidade Autónoma de Galicia, serán gratuítas tódalas compulsas e certificacións que sexan expedidas polos distintos centros de gasto do Sergas ó persoal estatutario fixo que participe no concurso.

9.3. Os traslados derivados deste concurso teñen carácter voluntario, non xerando dereito a indemnización ningunha.



INFORMA



9.4. O persoal que a través deste concurso obteña destino definitivo nun centro de atención primaria do Sergas quedará suxeito á ordenación da atención primaria na Comunidade Autónoma de Galicia que resulte do Decreto 200/1993, do 29 de xullo, e normativa que o desenvolve.

ANEXO II

BAREMO DE MÉRITOS

ANEXO III

PRAZAS OFERTADAS POR CATEGORÍAS E ESPECIALIDADES

ANEXO IV

CENTROS NOS QUE PODEN EXISTIR PRAZAS A RESULTAS

ANEXO V

PRAZAS ALTAMENTE ESPECIALIZADAS

ANEXO VI

MODELO DE SOLICITUDE

ANEXO VII

CERTIFICADO DE SERVICIOS PRESTADOS